

〔續日本紀三文三〕大寶三年十月甲戌僧隆觀還俗本姓金名財沙門幸甚子也頗涉藝術兼知算曆

〔扶桑略記聖武六〕天平七年四月辛亥日入唐留學生從八位下道朝臣眞備獻唐禮一百卅卷大衍曆

經一卷大衍曆立成十二卷測影鐵尺一枚樂書要錄十卷馬上飲水漆角弓一張并種々書跡要物等

不能具載留學之間歷十九年凡所傳學三史五經名刑算術陰陽曆道天文漏刻漢音書道秘術雜占

一十三道夫所受業涉窮衆藝由是太唐留惜不許歸朝

〔續日本紀光仁三十三〕寶龜六年十月壬戌前右大臣正二位勳二等吉備朝臣眞備薨略先是大學釋奠

其儀未備大臣依稽禮典器物始修禮容大可觀略

〔日本後紀嵯峨二十四〕弘仁六年六月丙寅播磨守贈正四位下賀陽朝臣豐年卒右京人也該精經史射策

甲科秉操守義無所屈撓自非知己不好造接大納言石上朝臣宅嗣禮待周厚屈芸亭院數年之間博

究群書中朝群彥皆以爲釋道融御船王之不若也

〔江談抄雜事二〕助教廣人兼學諸道習諸舞長工巧事

助教廣人者是能讀左傳兼學諸道習諸舞長工巧時人無失歟但一目亡精一眼誠明高材方文章博

士對策判預天多科病累處落第而弘仁皇帝哦命被置及第之時高材竊云一目亡人何識我策

哉廣人聞之云以一目見汝書尙不足可見何況兩眼共存時乎以此等例思之紀傳明經者共以可廣

學也云々

〔江談抄詩事五〕廣相七日中見一切經凡書籍皆橫見事

又云廣相獻策之時七日之中見一切經凡書籍皆橫見之雖如此拔萃之性尙有備忘却之事故何者

先年見唐年號寄韻之書是廣相之所抄也云々件書注付年號難等所謂大象者涉大人象之義隆紀

者似死之體或人問云大象者後周年號隆紀者北齊年號件年號北齊被滅周歟又魏時有正始年號

或人云正字者一止也詳不覺所出書又唐高宗時有乾道年號反音不吉也仍改之此事見唐書